

ЖАУАПКЕРШІЛІГІ
ШЕКТЕУЛІ
СЕРІКТЕСТІК



ТОВАРИЩЕСТВО
С ОГРАНИЧЕННОЙ
ОТВЕТСТВЕННОСТЬЮ

«СК-ФАРМАЦИЯ» ЖШС • TOO «СК-ФАРМАЦИЯ» • "SK-PHARMACEUTICALS" LLP • «СК-ФАРМАЦИЯ» ЖШС • TOO «СК-ФАРМАЦИЯ» • "SK-PHARMACEUTICALS" LLP

БҰЙРЫҚ

Астана қ-сы

№ 11-1/106

ПРИКАЗ

г. Астана

« 11 » « 04 » 2019 ж.

«СК-Фармация» ЖШС сыбайлас жемқорлыққа қарсы стандартын бекіту туралы

«Сыбайлас жемқорлыққа қарсы іс-қимыл туралы» ҚР 2015 жылғы 18 қарашадағы Заңының 10-бабының 2-тармағына сәйкес **БҰЙЫРАМЫН:**

1. Қоса беріліп отырған «СК-Фармация» ЖШС сыбайлас жемқорлыққа қарсы стандарты бекітілсін.

2. Ақпараттандыру басқармасы осы бұйрық күшіне енген күннен бастап үш жұмыс күні ішінде «СК-Фармация» ЖШС интернет-ресурсында орналастырылуын қамтамасыз етсін.

3. Осы бұйрық қол қойылған күнінен бастап күшіне енеді.

Басқарма төрағасының м.а.

Ш. Исмуханова

Басқарма төрағасының м.а.
2018 жылғы « 11 » сәуірдегі
№ 11-1/106 бұйрығымен бекітілді

«СҚ-Фармация» ЖШС Сыбайлас жемқорлыққа қарсы стандарты

1-тарау. Жалпы ережелер

1. Осы «СҚ-Фармация» ЖШС сыбайлас жемқорлыққа қарсы стандарты (бұдан әрі – Сыбайлас жемқорлыққа қарсы стандарт) «Сыбайлас жемқорлыққа қарсы іс-қимыл туралы» 2015 жылғы 18 қарашадағы ҚР Заңының 10-бабының 2-тармағына, ҚР Мемлекеттік қызмет істері және сыбайлас жемқорлыққа қарсы іс-қимыл агенттігі бекіткен Сыбайлас жемқорлыққа қарсы стандарттарды әзірлеу жөніндегі әдістемелік ұсынымдарға, «СҚ-Фармация» ЖШС Байқау кеңесімен бекітілген 2016 жылғы 10 қазандағы (№48 хаттама) «СҚ-Фармация» ЖШС Сыбайлас жемқорлыққа қарсы саясатына сәйкес әзірленді.

2. Сыбайлас жемқорлыққа қарсы стандарт «Халық денсаулығы және денсаулық сақтау жүйесі туралы» ҚР Кодексінің 77-бабына сәйкес, тегін медициналық көмектің кепілдік берілген көлемі шеңберінде және міндетті әлеуметтік медициналық сақтандыру жүйесіндегі қызметті жүзеге асыратын «СҚ-Фармация» ЖШС қызметкерлеріне қолданылады және ұсынымдық сипатқа ие.

3. Сыбайлас жемқорлыққа қарсы стандартты әзірлеуші «СҚ-Фармация» ЖШС Құқықтық қамтамасыз ету бөлімі болып табылады.

4. Сыбайлас жемқорлыққа қарсы стандарттың мақсаты тегін медициналық көмектің кепілдік берілген көлемі шеңберінде және міндетті әлеуметтік медициналық сақтандыру жүйесінде бірыңғай дистрибьютормен сатып алу саласындағы сыбайлас жемқорлықтың алдын алуға бағытталған ұсынымдарды айқындау болып табылады.

5. Сыбайлас жемқорлыққа қарсы стандарттың міндеті «СҚ-Фармация» ЖШС-да жұмыс істейтін тұлғалардың орнықты сыбайлас жемқорлыққа қарсы мінез-құлқын қалыптастыру болып табылады.

2-тарау. «СҚ-Фармация» ЖШС-да жұмыс істейтін тұлғалардың мінез-құлық қағидалары

6. Сыбайлас жемқорлыққа қарсы стандартпен қозғалатын салада жеке және заңды тұлғалардың құқықтары мен заңды мүдделерін іске асыру кезінде «СҚ-Фармация» ЖШС қызметкерлері:

1) жеке бас мәселелерін шешу кезінде қызмет дәрежесін пайдаланбайды;

2) мүдделер қақтығысына жол бермейді, олар туындаған жағдайда заңнамаға сәйкес оларды жою бойынша шаралар қабылдайды;

3) өз қызметтік өкілеттіктерін жүзеге асыру кезінде ешқандай материалдық игіліктерді, қызметтерді және өз міндеттерін орындаумен байланысты өзге де артықшылықтарды қабылдамайды;

4) өз құзыреті шегіндегі қызметті жүзеге асырады.

7. Басқарушылық шешімдерді даярлауда және қабылдауда «СҚ-Фармация» ЖШС қызметкерлері өз құзыреті шеңберінде:

1) қызметтік міндеттерін орындау кезінде жеке бас қызығушылығы, мүдделер қақтығысы туындаған жағдайда немесе оның туындауы мүмкіндігі туралы өзіне бұл туралы мәлім бола салысымен тікелей басшысына не ұйымның басшылығына жазбаша түрде хабарлайды;

2) басқа тұлғаларды сыбайлас жемқорлық құқық бұзушылықтарын жасауға итермейді және ынталандырмайды;

3) өзіне мәлім болған сыбайлас жемқорлық фактілері туралы дереу ұйымның басшысына баяндайды;

4) орындауға алынған өкімнің заңдылығына күмәні туралы тікелей басшысына не ұйымның басшылығына дереу жазбаша түрде хабарлайды;

5) әріптестеріне және басшыларына олардың әділ қызметтік шешім қабылдауына ықпал етуі мүмкін, қалыптасқан өзара қарым-қатынас тәртібін бұзатын, заңға қайшы өтініштер жасаудан тартынады.

8. Тіршілік саласының ерекшелігіне қарай туындайтын өзге де өзара қарым-қатынастар кезінде «СҚ-Фармация» ЖШС қызметкерлері:

1) кадрларды туыстық, жерлестік және жеке басының адалдығы белгілері бойынша іріктеу және орналастыру жағдайларына жол бермейді, меритократия қағидаттарының сақталуын қамтамасыз етеді;

2) қол астындағы лауазымды тұлғалардың міндеттері мен қызметтік өкілеттіктерінің көлемін нақты және дәл айқындайды;

3) қол астындағы лауазымды тұлғалар арасында еңбек жүктемесін әркелкі бөлуге жол бермейді;

4) олардың қызметінің нәтижелерін бағалау, сондай-ақ ынталандыру және жазалау шараларын қолдану кезінде әділдік пен туралық көрсетеді;

5) орындалмайтыны айқын немесе олардың лауазымдық міндеттерінің шегінен тыс, сондай-ақ заңнамаға қайшы өкімдер бермейді;

6) қызметтен тыс сипаттағы мәселелерді шешу кезінде қол астындағылардың қызметіне ықпал ету үшін қызмет дәрежесін пайдаланбайды;

7) қол астындағылар және басқа да лауазымды тұлғалар тарапынан сыбайлас жемқорлыққа қарсы заңнаманың нормаларын бұзуға жол бермейді және жолын кеседі;

8) әріптестерінде олардың өз лауазымдық міндеттерін орындауы барысында туындаған мүдделер қақтығысын реттеу бойынша түбегейлі шараларды уақытылы қабылдайды;

9) сыбайлас жемқорлықтың алдын алу бойынша түбегейлі шаралар қабылдайды;

10) сыбайлас жемқорлық құқық бұзушылықтарын, оның ішінде қол астындағылармен жасауға ықпал ететін себептер мен шарттарды жояды;

11) қызметтік емес немесе жеке тапсырмаларын орындау үшін, оның ішінде қол астындағыларды тартуға жол бермейді.

3-тарау. Өзге де шектеулер мен тыйымдар

9. «СҚ-Фармация» ЖШС қызметкерлері жоғары тұрған не төмен тұрған, не онымен қызметі немесе жұмысы бойынша өзге де бағыныстылықтағы лауазымды тұлғамен ақшалай немесе өзге де мүліктік сипаттағы құмар ойындарына қатыспайды.

4-тарау. Сыбайлас жемқорлыққа қарсы стандарттың сақталуына жауапкершілік және бақылау жасау

10. сыбайлас жемқорлыққа қарсы іс-қимыл туралы заңнаманы бұзғаны үшін қызметкерлер Қазақстан Республикасының заңнамасында белгіленген жауапкершілікке тартылады.

11. Осы Сыбайлас жемқорлыққа қарсы стандартты сақтамаған жағдайда «СҚ-Фармация» ЖШС қызметкерлері жеке жауапкершілік алады, оның жазалау шарасы тәртіптік жауапкершілікті көздейді.